



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Vildana Bešlija

Zastupnik/ca u Skupštini Kantona Sarajevo

Broj:

Sarajevo, 27.03.2020.godine

Dostaviti:

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r sekretar Skupštine Kantona Sarajevo

Uputiti: Vlada Kantona Sarajevo

PREDMET: ZASTUPNIČKA INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), upućujem

Inicijativu prema Vladi KS za stavljanje u funkciju telefonskih linija koje će biti 24 sata aktivne za sve osobe iznad 65 godina, te da su ti brojevi telefona vidno istaknuti u informativnom programu TVSA, kao i u svim zvaničnim komunikacijskim kanalima Vlade. Svrha je omogućavanje posjeta svim osobama iznad 65 godina koje iskažu potrebu (ne samo onih koji su evidentirani putem centara za socijalni rad), posebno onim koji žive sami u domaćinstvu.

Također, tražim da Vlada Kantona Sarajevo pokrene inicijativa prema Federalnom štabu civilne zaštite izmjenu naredbe Federalnog štaba civilne zaštite u svrhu odobravanja kretanja u terminima koji će biti prilagođeni ovoj kategoriji stanovništva.

O B R A Z L O Ž E N J E

Naredbom Federalne uprave civilne zaštite, osobe starije od 65 godina, su preko noći ostale zatočene u svojim domovima, te nisu imali mogućnosti dodatno se pripremiti za ovu situaciju. Posebno je teško osobama koje žive same i koje su već sedam dana u svojim domovima, te ih uprkos obavještenjima da će se formirati spiskovi nisu do danas imali posjetu timova općinskih centara civilne zaštite.

U Kantonu Sarajevo je u kućnom zatvoru 84.000 djece i 68.000 osoba starijih od 65 godina, dakle 36% stanovnika kantona. Od 68.000 osoba starijih od 65 godina slobodno se može procijeniti da barem 30% živi u samačkim domaćinstvima, dakle oko 20.000 ljudi.

Statistika ne prikazuje broj samačkih domaćinstava po starosnim grupama, ali prema popisu iz 2013. godine u Bosni i Hercegovini 19% osoba starijih od 15 godina živi u samačkim domaćinstvima. Može se sa velikim pouzdanjem procijeniti da je taj procent za starosnu grupu iznad 65 godina značajno veći od ovog prosjeka, po mom mišljenju 30% je realna procjena.

Zbog svega navedenog tražim stavljanje u funkciju telefonskih linija koje će biti 24 sata aktivne za sve osobe iznad 65 godina, te da su ti brojevi telefona vidno istaknuti u informativnom programu TVSA, kao i u svim zvaničnim komunikacijskim kanalima Vlade. Svrha je omogućavanje posjeta svim osobama iznad

65 godina (ne samo onih koji su evidentirani putem centara za socijalni rad), posebno onim koji žive sami u domaćinstvu.

Također, tražim da Vlada Kantona Sarajevo pokrene inicijativa prema Federalnom štabu civilne zaštite izmjenu naredbe Federalnog štaba civilne zaštite u svrhu odobravanja kretanja u terminima koji će biti prilagođeni ovoj kategoriji stanovništva.

Napominjem da u Sjevernoj Makedoniji ljudi stariji od 65 godina smiju izaći na jedan sat svaki dan, u Srbiji jednom sedmično, zato smatram da iako je donešena ova naredba u najboljoj namjeri, ipak mora pretrpjeti izmjene, kako bi bila spriječena diskriminacija i zatočeništvo ove kategorije stanovništva, te stoga očekujem da ćete pokrenuti inicijativu za izmjenu naredbe prema Federalnom štabu civilne zaštite.

S poštovanjem,

Vildana Bešlija
Zastupnik/ca u Skupštini Kantona Sarajevo
Naša stranka